


იუმორის გ. ჟურნალი

აშაქაქი აქორაქი



№ 15



— ახლავე, დროიანათ უშველე. ვიღრე მამაშენს ჩასვამდენ, იქნებ დასცინცლო რამე, თორემ უემდევ გვიან იქნება.

სამი დღე კახეთში.

შეიძლება ერთს და ორს არ დაუჯეროთ, მაგრამ როცა ყველა თფილისელი ქრონიკორი ერთსა და იმავე დღეს აცხადებს მისდამო რწმუნებულ გაზეთის ფურცელზე:—კახეთის რკინის გზაზე უკვე წესიერი მიმოსვლა დაიწყო; რაც უნდა კარგათ იცოდეთ მათი ბუნება, შეუძლებელი არ აგეყოლიოს საერთო ლაღადმა და... ცნობა არ დაიჯერო.

ასე დამემართა მეც, თქვენს უმოზრჩილეს მონას. ვის უნდა სკოდნოდა ჩემზე უკეთ ქრონიკორთა ვერაგობა, მათი გასაოცარი თანხმობა ყოველდღიურ ქორების თხზვაში, მაგრამ ვაი ჩემს გულუბრყვილობას და პრესისადმი ბრმა რწმენას.

დავუჯერე და წავედი!

ჩემს ასე უცებ გამგზავრებას ხელი კიდევ ერთმა მოულოდნელმა გარემოებამ შეუწყო. წინაღობით ვილაღ ქველმოქმედებმა ჩემი ოთახი გაქურდეს და ბინის დატოვება ახლა აღარავითარ საფრთხეს არ წარმოადგენდა! ამას დაუმატეთ ისიც, რომ პოლიციამ ქურდობის შესახებ ოქმიც შეადგინა.

პირველი მარცხი ბილეთის აღების დროსვე შემემთხვა. მართალია სკოლაში ჩემთვის არ უსწავლებიათ, მაგრამ მაინც ჩინებულათ ვიცი, რომ თელავი დუშეთის მაზრაში მდებარეობს იორის მარცხენა ნაპირზე. დუშეთის მაზრა კი სიღნაღის მოსაზღვრეა და მაშასადამე თელავამდე დიდი დიდი ასი ვერსი გზა თუ იქნება.

— ბილეთი ოთხი მანეთი და ხუთი უხალთუნი ღირს. გადმომძახა კასირმა, როცა დაზგაზე ერთი ფურცელი მანეთიანი დავდე.

— როგორ? თელავი სიღნაღის მაზრაშია და სიღნაღამდე ხომ ასი ვერსია?

— ნუ გვაცდნთ, ბატონო!

— მე არავისი შეცდენა არ მინდა, მაგრამ ეს როგორ არის, რომ თელავი...

— ხომ მოგეხსენებათ, ბატონო, ახალი ხილის ამბავი. ესეც ახალი გზაა და ძვირათ იყიდება. მამაშვილურის დარიგებით მითხრა ჩემს უკან მდგომა მოხუცმა და ენა მუცელში ჩამივარდა. მართლაც აპრილის დაიღვეს ერთი კიტრი ოთხ უხალთუნ ნახევრათ ვიყიდე, ახლა კი თითონ თელავში სანაქებო კურდღელაურის კიტრს ორს შაურათ მოგცემენ. ფული დავთვალე და ბილეთით ხელში მატარებლისკენ გავემართე.

მწუხარებასთან ერთად გულში კიდევაც ვიცინოდი. კასირს არც კი შეუმჩნევია, რომ მე სულ ქალაქის ფულები მივეცი და თუ ჩვენი ქალაქის ფულის ნამდვილ ფასს მივიღებთ მხედველობაში ბილეთი არც ისე ძვირათ დამიჯდა.

რაც მესამე ზარი ჩამოჰკრეს კარგა ხანი გავიდა. მოუთმენლათ ველოდები ფარდის ახლას ხალხი ფუსფუსებს. ზოგი იქით გარბის, ზოგი აქეთ გამობრის. მე ვეღარ მოვითმინე. რაც ძალი და ღონე მქონდა ფეხების ბრაზუნი და ტაშის ცემა ავსტეხე. საერთო ყურადღება მივიბყარი, როცა საზარელი ხმით გავაბი ყვირილი.

— ვურემია! ვურემია! ვურემია! მეთქი. ჩემთან რკინის გზის ქანდაკი მოიჭრა. უცებ გამოვერკვიე.

სირცხვილისაგან ისე გავწითლდი, რომ ცალი ყური კინალამ სრულიად მომეწვა. ჩემი სიწითლე იმან უფრო გააოცეცა, რომ ვერ გავამხილე ნამდვილი მიზეზი ჩემი აღშფოთებისა.

მე კი კახეთის მატარებელი ქართულ თეატრში ავრიე. შეცდომაში უფრო მესამე ზარმა შემიყვანა. აბა რა ვიცოდი, თუ აქ მეოთხე ზარი იყო საჭირო.

სრულიად მე მაშინ გამოვერკვიე, როცა უზარმაზარი ქრელი გველი ტრიალსა და უღაბურ მინდორზე მიგვა... (ყოველ შემთხვევაში არა... ქრლებდა!).

იმ დღეფანსიდან, რომელმაც ჩვენ გვერდი ჩამოუქროლა მეტარებელს ნაცნობი ქალის სახე დავინახე. რაღაცა კიდევაც დამიძახა, მაგრამ უსინდისო მეეტლემ ცხენებს გადაჰკრა და ეტლით თვალთავან მიეფარა.

მე ბევრი ვეხვეწე კონდუქტორს ეთხოვა მემანქნისათვის ცოტა ცეცხლის შენთება, რომ სათვალეზე მაინც მივდგომოდით ჩვენს წინ მიმავალ ეტლს, მაგრამ ყოველი თხოვნა ამოა გამოდგა.

— აბა რას იტყვიან, ბატონო, ჩვენ რომ დღეფანს ავედევნოთ და გავუსწოროთ!

წარმოიდგინეთ, ახლაც არ ვიცი რას იტყვიან ამ საგნის შესახებ, მაგრამ მაშინ გული დამწყვიტამ განცხადებამ და მთელი სამი საათის განმავლობაში, ვიდრე ჩვენ პირველ სადგურს მივალწვედით სულ იმ ნაცნობი სახის ვინაობას ვიგონებდი ვიტანჯებოდი...



ორი ქალი!

ლურჯ „რუბაშკიანი“ სად. სკარეჯოში ჩამოვდა. სიტყვა-პასუხსა და მოქმედებებში დიდი სითამამე და გაბედულობა ეტყობოდა. გეოგრაფიის მკოდნე, იმ ადგილების მიხედვით, რომლებსაც იგი ხშირათ ახსენებდა, უთუოდ გურულ ქალად ჩასთვლიდა მას.

სადგურ ბადიაურში, სადაც რუსის გლეხები და უფრო კი ქალები სასაღდათო ბავშვებს აცილებდნენ, ჩვენს ფაგონში მეორე, შავ „რუბაშკიანი“ ქალი შემოვიდა. ლაპარაკის კილოსა და სახის იერზე მას უთუოდ კახურობას შესწამებდით.

ლურჯ „რუბაშკიანი“ შემოსვლისათანავე დააქერდა მას. ეტყობოდა, რომ მეხსიერების შორეულ კუთხეებში რაღაც დიდი მუშაობა და ჩხრეკა სწარმოებდა.

შავ-„რუბაშკიანი“ შენიშნა ესა და თითონაც რამოდენიმეჯერ აათვალიერა — ჩათვალიერა მეზობელი.

— მე თქვენ ძლიერ მეცნობით! გაბედულათ შეეკითხა ლურჯ „რუბაშკიანი“.

— მეც სადღაც მინახეხართი არა ნაკლებ გაბედულათ უპასუხა შავ „რუბაშკიანი“.

— სადაური ბრძანდებით?

— ყვარული, ვახლავარ. თქვენ?

— მე გურული. ოპ ჩემი გურია, ჩემი გურია!

— თუ ეგრე მოგწონთ, აქეთ რაღას მობრძანდებოდით?

— რას იზამ დია, ქმარს რომ ვაპყვები მერე... მაგრამ ასე ძლიერ რატო მემცნაურება შენი სახე?

— მეც ვიგონებ, ვიგონებ და ვერ მომიგონია... ოპ ღმერთო! თუ არა ვცდები, თქვენ მგონი ერთხელ შეგხვდით ამ შვიდი წლის წინეთ ორჯონიკიძის ქორწილში...

— უი, მართლა! რა მშვენიერი ქორწილი იყო, ბეჩა, შეხედე, სულ არ გამოცვლილხარ ამ შვიდ წელიწადში.

— შენც სულ იგივე დარჩენილხარ.

— რას ჩივი ქალო, ვერ ხედავ როგორ გავშავდი? ასეთი ვიყავი მაშინ...

მე დარწმუნებული ვიყავი, რომ ამ ნაცნობობის შემდეგ ისინი რაიმე ნათესაურ კავშირსაც გამოსძებნიდნენ ერთმანეთში, მაგრამ იმედი ვამიცრუვდა, რასაც ცოტად თუ ბევრად ერთმა მოულოდნელმა გარემოებამაც შეუწყო ხელი.

სულ სამიოდ ვერსი გამოვსცილდით სად. მე-ლაანს. მატარებელს ფეხებში ჯერ კიდევ ნიჩბებით მიწას უყრიდნენ, რომ უკან არ დაგორებულიყო. ორთქმავალი ისე მძიმეთ და გულიანათ ქშინავდა, გეგონებოდა ვინმე ქართველი მოღვაწეა, საზოგადო საქმეზე მომუშავეო. დიდის გაქვივრებით აიღვა ფეხი მატარებელმა და ჩვენც სიხარულით ცას ვეწიეთ, მაგრამ ამ დროს ვიღაც ჭირვეულმა ბავშვმა გზის პირად შაშვის ბარტყი დაინახა. გააბა ტირილი.

— დედილო ბალტი მინა, ბალტი მინა, ბალტი მინა!..

შეწრილდა ხალხი. დედაც ძლიერ შესწუხდა. ვინ არ იცის, ჩვენი დედები ბავშვის აღზრდაში ახალ მიმართულებას ადგანან და მოზარდ თაობას ყოველივე სურვილს უსრულებენ. რაღა თქმა უნდა მატარებელი გააჩერეს. მხოლოდ ნახევარი საათი ვირბინეთ ბუჩქებში; ყველას უნდოდა თითონ დაეჭირა ბარტყი, მაგრამ ნადირობამ ამაოდ ჩაიარა. მშვენიერი ჰავა გულს გვიგრილებდა და წამოვლას არავინ ფიქრობდა, რომ ერთ თფალისეღ ვაქარს საათი არ ამოეღო. ის ახტალის ტალახებში საბანაოთ მიდიოდა და აბა რა ებარტყებოდა. რაკი ჭირვეულ ბავშვთან აღარაფერო გაგვივიდა, იძულებული ვავხდი თელავში ასვლისა ირმის ბარტყი დავპირდებოდი, რაზედაც ის სიამოვნებით დამეთანხმა.

ჩვენი მატარებელი კვლავ დაიძრა.

ეშმაკი.

ბ რ მ ო ლ ა *).

ღმერთს გეფიცებით, თბილისს რომ საქმე არ მქონდეს საშური, აქ დავრჩებოდი ამ ზამთარს, იმდენათ მომწონს ხაშური.

ჯერ მარტო იგი რაღა ჰღირს, რომ შევადამეზე წუხელი თავზე დამესხა უეცრივ ბაღლინჯო ასა უღელი.

ამ მტრის ქვეითა ლაშქარსა წინ მოუძლოდა ფრთხილად რწყილთა მხედრობა გულადი, ასე, ოცდაათ წყვილად.

*) ეს ლექსი წაიკითხია ავტორმა ხაშურში გამართულ საღამოზე.

ჯერ დაწვრილებით დამზვერეს,
შემდეგ შეკვეთენ მამაცათ,
ქვეითი უკან მოსდევდენ
ნელ-ნელა, კამაც-კამაცათ.

ომი გაჩაღდა სასტიკი,
ცენტრშიაც, ორთავ ფრთაზედა,
დახოცილ მტრისა გვამების
გადავლოდი მთაზედა.

მაგრამ რამდენსაც მოვკლავდი
(სწორეთ რომ გასაკვირია!),
ორი იმდენი მაშველით
ივსოდა ბრძოლის პირია!

სამი საათი ვიბრძოლე
ოფლის დამასკდა ღვარია,
მაგრამ არ იქნა, არ შედრკა
ბალღინჯოების ჯარია.

ვიკადრე უკან დახევა
ბოლოს, საშველათ თავისა,


და სამარცხენო პირობა
შევიმუშავე ზაფისა.

ბალღინჯოების მთავარ შტაბს
სიტყვა მივეცი სწორია,
გათენებამდე დავუთმო
მთლად ზურგის ტერიტორია.

დათანხმდენ, მყისვე დაიწყეს
გაღება ჩემი სისხლისა,
არ შემარჩინეს ძარღვეებში
უმეტეს სამი მისხლისა...

ღმერთმა შეარგოსთ! თუმცა-ღა
ბალღინჯო მკაცრი მწერიც,
მაგრამ მე მაინც ვუმაღლი,
ეს ლექსი დამაწერია!

თაგუნა .



- როგორ მოგწონთ ჩემი ქალიშვილი!
- ცოტა გამხთარია.
- ოოო, მაგისი ფიქრი ნუ გაქვთ. მაგხელობას მეც სწორეთ ხმელი ვიყავი.

წინადადება.



- კი მაგრამ შენ რამდენი წლისა ხარ?
- თოთხმეტის.
- არ შეიძლება. შენ ხომ შემოდგომაზე სალდათათ წაგიყვანებენ.

გურული ენა-კვიმატები.

გურიაში ენაკვიმატები ბევრი იყო და ზოგი მათგანი ახლაც ცოცხალია. მოსწრებული სიტყვა-პასუხის, ნაკვეთის „ფინთიხით“ მოქმედი გურიის ყველა კუთხეში იყო. ზოგი მააგანი, მაგალითად მღ. ივანე მგელი-შარაშიძე, მღ. ნიკოლოზ ინწკირველი, თავ. სიმოვ გუგუნავა, თომა თოხაძე, ქ-ნი ატატო ბებურიშვილი (ეს უკანასკნელი დღესაც ცოცხალია) შიარ სიტყვაობით სწამლავდენ ათვალ-წუნებულ პიროვნებას. მათი ლექსები ხელიდან ხელში გადადიოდა, ზებირად სწავლობდენ და ჩან-გურზე აღიღინებდენ.

ჩვენ განვიზრახეთ ზოგიერთების მოსწრებული სიტყვები შევკრიბოთ და ჩვენს მკითხველებს გაუზიაროთ. რასაც ჩვენ ვერ მოვასწრებთ, იმედია სხვები მოათავებენ. სასურველია ხალხური იუმორის ნიმუში არ დაიკარგოს.

თავ. ვახტანგ გურიელი.

ამ წელში გარდაცვლილი ვახტანგ გურიელი ტკბილი მოქართულე, დარბაისელი და მოსწრებული თავადი იყო. მოგვყავს ზოგიერთი მისი ნაკვეთები.

ვახტანგი და აგიტატორი.

ნეტარ ხსენებულ ცბრაას ხუთში ვახტანგი მიტინგს დაესწრო. ფაფარ აყრილი აგიტატორი ბრდღვინავს, შურის ძიებით ვატაცებული მიმართავს ხალხს;—ამხანაგებო! მოვა დრო და ეს მუქთა ხორა თავად-აზნაურობა, დღეს რომ ჩვენი სისხლით ძღება, ჩვენი ნაოფლარით იკვებება, მუხლ-მოდრეკილი შეგვეხვეწება მაქამეთ პურიო. მაგრამ ჩვენ პურის მაგიერ ქვასა და ლიოდს ვაქმევთ... —ვენაცვალე, ბატონო, მე იმ დროს! რაღა მინდა მეტი მანამდი თვარ მოვკდი. ჩემს კბილებს ახლა მოხელილი ლობიო ვერ დაუდექავს და თუ ქვის დაღუქას შემადლებინებთ, მეტი რაღა მინდა! რამოდენიმე პირის გასაგონათ ჩაილაპარაკა მწარე ირონიით ვახტანგმა.

ვახტანგი და „პატარძალი“.

იმავე სულ ცხოვრებულ წელს ერთ სოფელელ გასათხოვარ ქალიშვილს წისქვილში ახალგაზრდა მეწისქვილესთან შეუსწრეს. წისქვილის იდილია გამჟღავნა. მეწისქვილე საჯაროთ გაასამართლეს და გადაუწყვიტეს ქალისთვის მიეცა ოცი თუმანი და მოეკენჯა ათი საყენი სასოფლო გზა.

ქალის ქირისუფალმა „საუბატივრო“ 20 თუმანს თავისი წაუმატა. ქორწილი გაჩაღდა და ქალიშვილი გაათხოვა. დედოფალს მაყრათ ვახტანგიც ეახლა. შეზარხოშებული მაყრიონი სიმღერით მიდის დედოფლის ცხენი დაფრთხა, წაიფორხელა და დედოფალი კინალამ ტალახში გადააგდო. ვახტანგმა უთხრა დედოფალს:

— ბატონო, რაფა ღმერთი გამიწყრება, რაფა დაგანებებ ტალახში ჩავარდე, მაგრამ რომ გიშველო, ხელი უნდა შეგახო და შენი ხელის შეხება 20 თუმანი ღირს; მაგას ვინ ჩივა, გინდა მეტი იყოს, მაგრამ ათი საყენი გზის ჩემი ხელით მოკენჯა არ შემიძლია და რა ვქნა!.

ვახტანგი და კნენია.

ვახტანგი და მისი სტუმრები ვიღაც ქალის ქებაში არიან. მოგვხსენებთ ქალის ყველაზე ვარესი შეურაცყოფაა მის გასაგონათ სხვა ქალის სილამაზის შექება.

საუბარს ყური მოჰკრა ვახტანგის მეუღლემ და ბრძანა: — რა გიკვირთ იმისი სილამაზე; იმ ხნის რომ ვიყავი მე მაზე ულამაზესი ვიყავი: — კი ბატონო, მარა ვინაა მაგის მოსწრე, ვის ახსოვს შენი ახალგაზრდობა!? იკვიმატა ვახტანგმა.

ვახტანგის ტოლუმბაშობა.

ცხრაას ხუთში „განურჩევად წოდებისა“ ყველანი სასოფლო გზას აკეთებენ. სხვებთან ერთად ვახტანგიც, თოხით მუშაობს. ერთობის ხალხი ერთობის სადილის საქმელად დასხდენ. მუშებს ერთი გულდა ღვინო გამოუგზავნა სახლის მაინც და მაინც დიდათ არ საყვარელმა თავადმა (მ. ნ — ძე). ვახტანგი ტოლუმბაშათ აირჩიეს. — ვიცი, ბატონებო, მე იმისთვის მიჩვევ ტოლუმბაშათ, რომ ფინთის გამოგზავნილი ღვინო პირველად ვშინჯო, თვარა კაცს რომ გამოგზავნა, მაშინ მე ხომ არ ამარჩევდიო!

პერპენდობილე.

მ მ რ ძ ღ მ

მე სანატრელათ არა მაქვს გამბედაობა ზოგების... და ჩვენი მკითხველისათვის თავიც არ დამეზოგების.

მაშ მოდით, შუა გაბჭერათ ავტორი ამა შარადის, (ცხოვრებისაგან ისედაც განაწამები შარადის!)

რომ თავი ჩემი თქვენს შრომას დაედოს სძირკველათა... ბოლო კი გადაისროლეთ სადმე შორს, მინდორ ველათა.

აწ კი გაჰყევით მყრალ ქუჩებს ქალაქში, გინდა სოფლადა, ძებნა არ გვინდა. იმისა, შორით რაც მოსჩანს სობლადა შიგ ბუდობს მილიონობით ბაქტერია და ბაცილა; შმორისა სუნი აუღის, ბაყაყებითაც ავსილია.

ორი ნიშანი თავიდან ჩამოვაშოროთ სასწრაფოთ, თუ გვინდა გზა ეკლიანი ჩვენ დროიანათ გაუკაფოთ.

მოვნახოთ ქორონიკონი ათჯერ უფროსი ხუთისა... (დრო დაგჭირდებათ ამაზე არა უმეტეს წუთისა!)

ის საოჯახო ნივთია, ძუნისგან ამონაქსოვი, როცა ლოყებში შემოჰკრავ; თოვლისა თეთრის დამთოვი.

უნდა გაგვეთოთ ეგ სიტყვა უმეტნაკლებოთ, ორათა; და ნაწილს პირველს სისწრაფით თავზე დავეცეთ ქორათა.

შეორე მისთვის წავიდეს, ის ჩვენ მკითხველად გვჭირია,

თუ ქართულისა ცოდნაზე
არ შეირცხენა პირია.

აწ მომინახეთ ბალახი,
მშვენება გაზაფხულისა,
მტრედისფერ თვალებიანი
გამხარებელი გულისა,
რომ იმის ტურფა ყვავილით
დავაგვირგვინოთ შარადა,
რომელსაც ბალკანელები
ხმარობენ წარა-მარადა.

კატამ რო კუდი ასწიოს
ისიც კი ითხოვს ამასა...
ანდაზად მოგახსენებენ:
„მაღა მოჰყავსო ჭამასა.

კოლო.

ბ ა ტ ო ნ ე ბ ო !*)

ეს ტაში და სიხარული თავუნას, უბრალო
ლექტორს, არ დაუმსახურებია და არც შეიფერებს.
თქვენი პატივისცემა სავსებით ეკუთვნის იმ მეცნი-
ერებას, რომლის შუამავლათაც მე ვდგევარ თქვენ
წინაშე და რომლის უაღრესი სიყვარული ძვალში
და რბილში გასჯდომია წაღვერის პატივცემულ
საზოგადოებას...

თქვენი ჟანგარო სიყვარული მეცნიერებისა
გასაკვირველი არ არის და აი რატომ. ის ადგილი,
სადაც თქვენ ამ ეამათ ცხოვრობთ, ისტორიულ
ზემო ქართლის ფარგალში მდებარეობს, ხოლო
ზემო ქართლი ანუ მესხეთი, მველ დროში, იყო
აკვანი და კერა ქართულ კულტურისა, ხელოვნე-
ბისა და მეცნიერებისა. დროთა უღმობელმა ვითა-
რებამ და უკულმართმა ბედისწერამ ხანგრძლივ შეა-
ფერხა და დაახშო ზემო ქართლი კულტურა, გარ-
ნა, აჰა, კვლავ გაჩაღდა მიმქრალი კერა და ხელ-
ახლა აღინთო ლამპარი განათლებისა ოდესღაც
განთქმულ მესხეთის საზღვრებში

ბაკურიანის წვერვალზე აიმართა ორი ტაძარი-
მეცნიერებისა და ხელოვნებისა. პირველის ქუთუმი-
ბა წილად ხვდა თქვენს უმორჩილეს მონას, თავუ-

*) მეცნიერული შინაარსის სიტყვა, წარმოთქმული ავ-
ტორის მიერ წაღვერის მოაგარაკეთა წინაშე.

ნას და ბ-ნ კალე ქავთარაძეს, ხოლო მეორისა-ბ-ნთ
ალ. წუწუნავას და ალ. ქარქაშაძეს.

განზორებულნი ყოველსავე მიწიერთან, გან-
სპეტაკებულნი ამ ქვეყნიურ ვნებათაგან, გარეშემო-
ზღუდულნი მთებითა და კლდეებითა, ჩვენ მივემ-
სგავსებით იმ წმინდა განდევითა, რომელთაც და-
უტევს წუთის სოფლის ცოდვილი ცხოვრება და
დაემკვიდრენ აუვალ ციცაბო კლდის გამოქვა-
ბულში.

გარნა, წაღვერლებო! ჩვენ უთქვენოთ არა-
რანი ვართ. თქვენა ხართ ქეშმარიტათ ღირსეულნი
მემკვიდრენი განათლების მოყვარულმესხებისა და
თქვენი ცხოვრება და მოღვაწეობა გვაძლევს ჩვენ
იმ მასალას, რომელთაგან გამომდინარეობს ჩვენი სა-
ოცარი მეცნიერული დასკვნანი.

აქ, წაღვერის წიაღში, ირკვევა და წყდება
ისეთი რთული საკითხები, რომელთა გაშუქებას და
გადაწყვეტას ამოთ ცდილობდენ ღღემდე მსოფ-
ლიოს დიდებულნი მეცნიერნი.

განა წაღვერის წარმტაცმა ბუნებამ არ აღაფ-
რთოვანა და ააქდერა ქნარი ერთი ჩვენი ნიჭიერი
მგოსნისა, რომელმაც საოცარი სიმარტივით მოსჭრა
სქესობრივი საკითხი თავის მშვენიერ ლექსში „წა-
მო ტყეში, ტყეში წამო“?

მართალია, აღმოჩნდენ ისეთი მეცნიერები,
რომელნიც თავისებურათ განმარტავენ მგოსნის მი-
ერ ქალწულთა ტყეში მიპატიებას და ამტკიცებენ,
თითქოს ავტორს წაღვერის ტყეების ფლორისა და
ფაუნის შესწავლა ჰქონოდეს აზრათ და, ასე ვთქვათ-
ბოტანიკო-ზოოლოგიურ ექსკურსის შესადგენათ გა,
ნეზრახოს კეკლუცთა ტყეში წაყვანა, მაგრამ ასეთი
განმარტება ჩვენ ნაძალადევით მიგვაჩნია: რალა მა-
ინცა და მინც მხოლოდ მდებარებითი სქესის თანა-
შემწენი დასჭირდა მამრობითი სქესის პატივცემულ
მგოსანს ადგილობრივ მეცნარეთა და ცხოველთა
შესასწავლათ?

მეორე მნიშვნელოვანი საკითხი, რომელიც
თქვენ, წაღვერელებმა, წამოაყენეთ და გადასჭერით
კიდევ, ქიმიის დარგს ეკუთვნის.


მოგახსენებთ, რა აუტანელი მდგომარეობა
შექმნა მთავრობის ვანკარგულებამ ღვინისა და სა-
ზოგადოთ სპირტიან სასმელების აკრძალვის შესა-
ხებ. ვერავითარი შიმშილობა, წყალდიდობა და
სხვა სტიქიური უბედურება ვერ ჩააგდებს ისეთ
განსაცდელებში ქართველ კაცს, როგორშიაც ღვი-
ნის აკრძალვამ ჩააგდო. არსად, არც ქალაქებში,

და არც სოფლებში ღვინო აღარ იშოვება და საბრალო ქართველი კაცი, უიმისოდაც განაწამები და ღონე მიხდილი ლამის ვაცოფდეს წყურვილისაგან. აი, ამ განსაცდელის დროს, ამ ეროვნულ უნუგეშობისა და უმწეობის დროს თქვენ გამოიჩინეთ თავი, დიდებულ მესხების მემკვიდრენო: დღეს მე დაგრწმუნდი, რომ თქვენ მიგიგნიათ საშველობა ღვინის ქიმიურათ შოვნისა და ისიც არა უბრალო ღვინის, არამედ „ქახეთის“ საზოგადოების უაღრესი მარკის ღვინისა. მართალია ეს, გენიოსურ აღმოჩენა თქვენ ჯერ ჯერობით ჩემთვის არ გაგიმხელიათ, მაგრამ ჩემმა მეცნიერულმა აღდომ უთქვენოთაც კარგათ იგრძნო, რომ ეს აღმოჩენა დღეს თქვენ ხელთ არის. მართლაც და: მე ვიცი, რომ მთავრობის განკარგულების თანახმად წვეთი ღვინოც არ შემოუტანიათ აქა, მაგრამ ისიც ვიცი რომ მე დღეს თქვენ ნამდვილი წითელი კახური დამალევიწით. მაშ საიდან გაჩნდა ეს მშვენიერი სასმელი, თუ თქვენ ქიმიური საშვალეებით არ გიშოვნიათ იგი.







ქიმიის სამეფოში ასეთმა გამარჯვებამ თქვენ, ძველნო მესხებო, ქეშმარიტათ დასთრგუნეთ ყველა დროის მეცნიერნი და აღემატეთ ისეთ ბურჯებს მეცნიერებისა, როგორიც არიან რამზაი, კაურთი რგნტვენი და სხვები.

შემდეგი ფასდაუდებელი ღვაწლი თქვენი, ბატივეცემულნო წალვერლებო, უნდა ვეძიოთ მედიცინის სფეროში. თქვენი ცდა ამ დარგში სწორეთ დიდ თავგანაწირავს, თავდადებას წარმოადგენს. თქვენ არა თუ თავი თქვენი შეგიწირავსთ მეცნიერების წმინდა საკურთხეველზე, თვით მომავალი, თქვენი მერმისი, მსხვერპლთა მივიტანიათ და არ დაგიზოგავთ. მე დღეს ვნახე თქვენი მცირე წლოვანი ვაჟები, რომელნიც ისეთი გააფთრებითა და გატაცებით ეწეოდენ თამბაქოს, რომ მოხუცი ინგლისელის შურსაც კი აღძრავდნენ. ჯერ მე მეგონა (რომ, მაჭატიეთ ასეთი ექვიანობა), რომ ეს 10—11 წლის ქაბუკნი მხოლოთ თავგდებობისა და მოუვლელობის გამო ეწაფებოდენ ამ შხამიან ბალახის ბოლს, მაგრამ ეს შეუწყნარებელი ექვი წამშივე გამიქრა და მე მივხვდი რომ ეს თუთუნის მწვეველი ბალღები ღირსეული თანაშემწეები არიან თავიანთ მეცნიერ მშობლებისა, რომელთაც შვილებიც კი გაუწირავთ მეცნიერების გულისთვის და ამათ მავალითებზე უნდათ გამოარკვიონ თამბაქოს ძირიფის, ანუ ნიკოტინის გავლენა ნორჩი თაობის ფილტვებზე.

თავული.



— ტყუილად კი არ ამბობს მამა რომ ცხოვრებაში ქალების დაუხმარებლობით ვერაფერს მივაღწევთ.



1) გერმანელთა სანჯარი. 2) ოფიცრის მიწური. 3) სველე ტელეფონი. 4) გერმანელთა მიერ ანაფეტქები ხილი.
5) გერმანელთა. საზვერავე. 6) დახურულ-დაფარული სანგრები გერმანელებისა.

არაკი.

(ალ. მ—შვილს).

რა თქმა უნდა მას, რომ გუნდა,
 გუნდა ცომის, ანუ ლომის,
 ან და სურვილების გუნდა,
 განდიდების, ბევრის ნდომის,
 მოხაზული ერთ სხეულათ,
 მოფარგლული ერთ საგანში,
 მოსათმენი არსება,
 თუ ეტევა თავის კანში.
 მაგრამ როცა ამ კანიდან
 ის დაიწყებს ამოძრომას,
 თავის თავის განსაბერათ
 ის ეწევა ცდას და შრომას.
 სასაცილო ხდება მაშინ
 გაფუყული ბაყაყავით,
 და მის ქცევას აღვწერთ მაშინ
 ჩვენც კრილოვის არაკსავით.

ერთხელ ერთ კაცს ნიჭიერსა,
 მაგრამ ჯორებზე უნაყოფოს,
 თავის თავის წარმოდგენით,
 ქვეყნის ბურჯს და ფილოსოფოსს.
 მუშა შეხვდა, სოფლის მუშა,
 ხელ-ფეხ დაშკქდარ დაკორძილი,
 რა თქმა უნდა, „ფილოსოფოსს“
 არ მოსწონდა შრომის შეილი.
 და ამაყად შემოსძახა:
 „ვერ მოუვლი მაგ ხელ-ფეხსო!
 მაგ სიბინძურ-სიგლახისთვის
 თავში კი დავახლი მებსო!
 ეს კორძები, ეს წყლულები,
 ეს კანი ფერ გადაკრული,
 განა შეგნის მას, ვინც არის
 ოდნავ შრომის მოყვარული?
 მეც ხომ ვშრომობ! მასთან შენზე
 ასჯერ მეტსაც გავაკეთებ:
 რომ ვქნა, ჩემის ნააზრევით
 მთელს ქვეყანას ავაფეთქებ:
 ცით ვარსკლავებს ჩამოვიტან,
 მთებს ვაკესთან გავასწორებ,
 და თუნდ ხვანაშიც, მკაშიც შენზე
 ასჯერ მეტს ვიქ, გიმეორებ.
 მაგრამ აბა დააკვირდი
 ამ ჩემ ხელ-ფეხს, ამ ჩემ სხეულს,


სულაც არ ჰგავს იგი შენსას,
დაკორძილს და ქანცილიეულს“...

და ასე „ფილოსოფოსი“
მუშას დიდხანს აწამებდა,
თუმცა თითონ, შრომის ნაცვლათ,
ფიქრში ათენ-ალამებდა.

ამიტომაც მუშამ იმას
უპასუხა არაფერი,
მხოლოდ პირზე ღიმილს ჰგვრიდა
ბაყაყავით განაბერილი..

1913 წ. ავ. ბახმარო.

ონისიმე.



ჯარის პასის ნაგებობი

(იმერული სცენა)

ერთხანს „აკოპებში“ ძაან გვაწუხებდა გერმანელების ანტილერია. რომ დაგვაცარიდა ბეირივით ტყვიას, თლათ გავგანახვერებდა. ნამეტნავათ კი ერთი დიდი ზარბაზანი გვაწუხებდა! რომ გამეისროდა ამ ჩემ ოდის ხელა ყუმბარას... როცა ათი საჯენის სიღრმეზე ამოთხრიდა მიწას. ერთხელ დამიძახა „კამანდერმა“ და მითხრა:

- პასლუშა, ჩკიპურტანიძე.
- ჩტო იზბოლიტე ვაშა ბლაგაროდია!
- „შენ ძაან მარჯვე ბიჭი ხარ, ბევრჯერ ყოფილხარ განსაცდელში და გადარჩენილხარ. ახლა უნდა დამავალო და გერმანიელთა იმ უშველებელ „გაუბიკას“ უნდა ჩააწყვეტო ხმაიო.
- „სლუშაიუს, ვაში ბლაგაროდია—თქვა“, გამოვტრიალდი და წივედი პირდაპირ გერმანიელებისაკენ.

ვიარე, ვიარე... მივადექი მათ „აკოპებს“— ვუკივლე და ვვიდე... გვექვეცი... ვირბინე, ვირბინე... წამომიდგა წინ მათი „ღეზვერები“— დავსკვივლე და ვვიდე... ბოლოს მივედი დიდ, გაუბიკასთან. წამოჯგიმულა კაკიაშვილის კდესავით, დოუ-



ღია პირი, ღრიალებს და ჰყრის პირიდან უშველგებელ ყუმბარებს.

მივეპარე... მივეპარე, ვსტაცე ხელი და ჩაუძახე ჩანთაში. —

გამოვიქეცი, მარა რაფარი... მევედი პოლკში, ვაჩვენე „კამანდერს“ ზარბაზანი .

„სპასიბო“ —ო მითხრა.

— „რადს ტრაცა ი ვაშა ბლაგაროღია“ —თქვა, ვუთხარი და წვევდი ჩემი კარავისკენ დასასვენებლად.

— უჰ!.. შე კაცო! გმირი ყოფილხარ, ნამდვილი გმირი! ბოშო და, არაფერი ჯილო მოგცეს მაგ გმირობიზა?

— ჯილდო?... კი!.. ჰო! . არა.. ჰმ!.. შე კაცო ამნაირი უბრალო საქმიზა რა ჯილდო მერგებოდა?

გუგული.

დიფამაცია.

გსტქვათ ხუმარა ხარ, იხუმრებ. ადვილი სამსახურია. ბოროტებას და მის ჩამდენს ამით ებრძოლო გწყურია. ვნახოთ სიავის მთესველი საქმე, ან აგიტაცია; ან გარებიან ავტორას („უფლის“ ან „მეფის“ კაცია) „რაინდი“ გული არა გყავს ნაჩვევი ამის თმენასა, აზრები მუშამ მოგიძღვნა ფორმა მიანდვე ენასა, აღნიშნე ფაქტი სისწორით (რომლის მომქმედი კაცია) თანაც არგესმის რა არის კანონი „დიფამაცია“ რედაქტორი გწერს საყვედურს, გამომცემელი შეველასა და მომჩივანი მუქარას (მტერმა გაუძღლოს ყველასა) მერე არ გინდათ გაიგოთ რა არის „დიფამაცია“?! სიმართლე გქონდეს და მოწმეთ

რომ გყავდეს მთელი ნაცია არას გიშველის, დაგსჯინ; თვით მომჩივანის ნებაზე (ალბათ ფიქრობენ ვათქმიონ ვარი შენს წმინდა მცნებაზე) ტყვილა ჰგონია უბნის „ძმას“ ქალაქის, მრევლის მამასა; რომ შეირგებდენ „ქალამნის“ და ან საკურთხის ქამასა

ბუტუნა.

როგორ გადავწყვიტო კვირვება ცოლის შერთვა.

(გურუჯი სტენა)

„ქვეყანა იქცეოდა და ტურა ქორწილს ები-რებოდაო“, ნათქვამია. სწორედ ისეა ჩემი საქმე, მარა ჩემს გარემოებას რომ გვიგებ, კი არ გამიმტყუნებ. აგერ თუთხმეტი წელიწადი დავაკანკალებ, რომ დავქვრივდი. სულ ცხონებული ჩემი ფეფიკულე რომ კვტებოდა, გადმოატრიალა ჩემსკენ თვალები და მითხრა:

— ივანიკა, თუ მე გიყვარვარ იმით გვივიგებ; მე რომ მოვკვტები მეორე ქალს არ ითხოვო.

— შენი ძვალე დამეკავოს პირში, თუ ვითხოვო მეთქინ, აგი კი მუასწარი და გააფიქინა ფეები.

მას მერე გვიარა 15 წელიწადი. შევამაულები სათოფეზე არ წვევიკარე, მართლა არც ისე მოხუცებული ვიყავი მაშინ, ორმოცდა ხუთი წლის ვიყავ, მეტი არა. ახლა იმისანე დროი მევიდა, რომ ქე დავრჩი თავად მარტოტკალე. უნცროსი ბაღანე ჩემი ბესიკელე—ნოვობრანცათ წეიყვანეს. აგერ ერთი წელიწადია, არაფერი ვიცი. მისი შვია-შვილი ავთანდილე ზაპასნოი იყო და ისიც წეიყვანეს, იწერება—„აბოზლი კამანდათ“ ვარ, სიკდილით არაფერი მიშავსო, მარა მე იმისი იმედი არა მაქ. თლად უფროსია და მოორე სორტის რანტიკია და იმასაც ქე გამომშველექენ ხელში; ჩემმა რძლებმა ეიკრეს ბარგი და ქე შუუყვენ თავ-თავის სახლში.

— მეიცადეთ, მე ვისთან მტევთ მეთქინ?

— არ დამელაპარაკო, მე ზაპასნოის ცოლი ვარო, შამომიყვირეს და წევიდენ. რაცხა ჰაწას ქე

უგზავნის იგი დალოცვილი ხემწიფე საყ-
დელს, თვარა, ვინ მოგცილდებოდა, ჯოხით ვერ
გადავდენიდი. ეხლა დავრჩი თლად მარტოტკალე.
აგი ასეა, მარა, აი, ქალიშვილები უფიქრებელს
გაფიქრებებს. ნუგეშინია კი დალაგდენ ოხრათ.

მაგენს დარჩათ მი-
დანი... უწინ რაღა შემხედავდენ თვალით, აბა თა-
ვის დაკვრამ ქირი მოგქამა, ახლა, იცოცხლე, მუ-
უვიდა, მოწონება ქრივ ივანიკას.

აგერ გითხრა: გუშამ ყანაში მივალ ჩასკურ-
მუხეტებული, მოშხამული. საცხეიდან ამოძვრა მა-
თიელეს გოგო სუნდუხტივ; გამიკარიქა, მეიჩოჩა ჩემ-
კენ და-ივანე ზდრასტიო! გაგიმარჯოს ღმერთმა
მეთქი-აგი ქე უთხარი, მარა პაწე კუჭიც ქე მო-
მივიდა: ვიფიქრე, რას იკრიტება აი ციცე მეთქი.
ღევიხედე ნოვობახის კარი არ მქონდეს ღია მეთქი
მარა ქე იყო დაკეტილი. მომიბრუნდა კადევ და
მითხრა:

ივანიკა გასუქებულხარ, გალამაზებულხარო.

მაშინვე მიბუშქნა რაცხამ გულში, მივხვდი
რაშიც იყო საქმე.

— არა მიშავს, ქე ვარ კარგათ მეთქი. გულში
კი ვაზობ: ისე შენ გასუქდი რავარც მე
ვარ გასუქებული მეთქი. გასუქებული კი არა „შვი-
დოული“ მერგება, წყალის მეტი აფერი ჩასულა
ერთი კვირა ჩემ პირში მეთქი, მარა მივხვდი რა-
ში იყო საქმე.

— დემუხლე აგერ, ვილაპარაკოთ, შენ საწყა-
ლო როის შეიტყობ სიცოცხლეს, სულ რომ ყანა-
ში იკლავ თავს.

მივადე თოხი მიღმა, მოუჯექი გვერდში და
გავაბი ქუჭუნი ზაზანდარსავით. დამიწყა ლაპარა-
კი ვაინზე: მეცოდები, ვაინმა შვილები წაგართვა,
მარტოტკალე ხარ სახში, ცოლი გყავდეს მაინც
კარგიაო.

— მაინც არ იქნება მაი რომ მყავდეს, მარა
აწიცი შივესრებით მეთქი.

მე ძანს გაგიპირდები რომ ითხოვო ვინმეო, და-
შიწყა ბლაზური; შევეყვით, შამოვეყვით, გამავიწყდა
ჩემი ფეფიკელეს ფიცი და ვაინიც, უთხარი რაღა-
სხოგან მიმდენი, შენზე უკეთესს ვის მოვანახავ მე-
თქი; გამიცინა, შამომასტერდა თვალეში საელ-
იობო თხასავით და მითხრა:

— „მსურს“, გეთანხმებიო, ნიჩავო პროტივ
ნი იმეტიო.

— კი მარა მამაშენმა ვარი რომ გეტკიცოს
მეთქი?

— ბაბას ვინ კითხავს, ჯვარს თვარ დაგწე-
რენ, გრატანსკათ დავექორწილდეთო.

— აი, გრატანსკი, რაღა მეთქინ?

— რაი, და, ვიქნებით ერთად ჯვარდაუწერე-
ლე, თვისებით, და თუ არ მოგვეწონება, პრაშაიტ-
დოსვიდანიე, შე შენდა და მე ჩემდაო.

პატარე ქე შეეფიქრდი, მარა, მერე მომაგონ-
და, ვილასთან წავა, ნუ გეშინია, ყმაწვილებმა არ
ჩამემუშტროს, ზოგიერთ ჯვარის წერას, და ცოლ-
ქმრობას, გრატანსკი ბრაკიც კი სჯობიან და ყო-
ლიფერი... როდისაც მინდა მოვცილდები, თუ გა-
მიჭირდა... რაღა ბევრი გავაგრძელო, მივეციოთ ხე-
ლი ერთმანეთს—მისი ოჯახი დეიქვა, ვინც თქვას
მოხუცებულს სიყვარული არ შეუძლიაო. ამგლა-
ჯუნდა გული, ამგღვრა თვალეში, ამიფათქუნდა ძა-
რღეები, სადაც ტანში ორი წვეთი სისხლი მქონდა,
ყველამ ცხვირის წვერში მიეყარა თავი, ისე გავ-
წილდი. ბოლოს, მევედი რავარც იქნა ქკუაზე, გა-
დავწყვიტეთ ნამარიობვეს ჯვარის წერა. მაშინ პა-
ტარე ლობიე და ჰყინტი სიმინდი ქე შემოვა, თუ
თათრებმა არ დეიწერა მანამდი ჩემს სუნდრუხტია-
ზე ჯვარი. ასე წევიდა საქმე და ღმერთმა იცის
ბოლო რაფერი დამირჩება.

ლუკაივს ობოლი.



— თქვენ თამბაქოს ეწვეით?

— არა. თამბაქოს წევა კაცს ასულელებს.

— სჩანს თქვენ ახალგაზღვობაში ეწეოდით.

სოფლის ფერშალი.

(შარეი 1 მოქმედებად)
(დასასრული)

ფერშალი. და, ეტა ვაშა დოზა შარლატან-სტვო, ვოტ, ტებერ, ზნაეტე, ესტ ნოვოე სრედ-სტვო—შესოტშესტ, ვსემ პამაგაეტ! (თვალს გადააფ-ღებს ღამსწრებს და ენერჯიულათ გაიმეორებს) ვსემ პამაგაეტ! ვსემ: ი მალარიი, ი ლიხარადკე ი ვსემ. ტოლკო ეტო ნადა ვპრინსუტ, ა ესლი ნე პამაგა-ეტ, ტავდა ხარაშო ვა ვნუტრ, ზნაეტე, პრინიმატ... ვა ვნუტრ!

სტუდენტი. Какъ мнѣ извѣстно, „606“ во внутрь не принимаютъ...

ფერშალი. და, და! ვა ვნუტრ, პამაგაეტ.

სტუდენტი. А вы лично применяли.

ფერშალი. ნეტ, ზნაეტე, ნამ, ფელდშერამ, ნე პაზვალაიუტ, ზნაეტე, ბუმაგა... ბუმაგი ნეტ, ზნაეტე... დიპლომ! ბუმაგა—ვისო! (იციანს) ჰჰჰ! და, ზნაეტე, მოყეტ ბიტ, ი ემუ პამოყეტ შესოტ-შესტ... მოყეტ ბიტ ესლი ნე ნა მალარიინომ ი ნა გემოროიდალნომ პოჩვე, ზნაჩიტ ნა ვენერიჩეს-კომ... მალადოი ჩალავეკ, ზნაეტე... დალენო ბიტ ონ ვ ბატუმე ბივალ. (ფადმეფეს) ტი ბატუმე ბი-ვალ?

სტუდენტი. (უთარგმნას) ბათუმში თუ ყოფილ-ხარო?

ავათმყოფი. კი, ბატონო!

ფერშალი. ნუ, ზნაჩიტ, ეტო ნა ვენერიჩეს-კომ პოჩვე... მალადოი ჩალავეკ პაშალილო, ზნაეტე, ბატუმე...

სტუდენტი. А на счетъ діеты что вы скажете?

ფერშალი. (გერ მისვდა) კაკ?

სტუდენტი. На счетъ діеты...

ფერშალი. დეტეი ნებრემენო ნადა უდალიტ, ზნაეტე, ი ვაბშჩე ვაზმოუნო ზარაყენიე, ზნაეტე... (უცაბედათ ჰრფიზორი დანას) ნუ, კაკ უ ვას, ვ აბტეკე: ტარგოვლია ესტ?

პრავიზორი. არა უშავს რა, წამლები კი გა-ძვირდა ამ ომის გამო, მაგრამ...

ფერშალი. ნუ შტოყე, ზნაეტე, ტებერ ვსიო დოროვო! ი ნამ ტოყე ოჩენ მალო დაიუტ, ზნა-ეტე... (გადახედავს მასხინძებს) და, ზნაეტე, ეტო ვაინა ვსიო პერვეერნულა... ტებერ, გავარიატ, გერმანია პროზივეტ გენერალ ლანდშურმ! გდე

ონ ბილ დასიხპორ, შტო, არესტავალი ევო შტო-ლი? ტამ ტრუდნო, ზნაეტე... უ ნიხ ი პუშკა, ი ვანიუჩი გაზ, ი ვსიო! ატკულდა ეტო ვანიუჩი გაზ ანი ვიპუსკაიუტ, ჩორტ ევო ზნაეტ! ტამ ტრუდნო ა ტურკი?... ტურკი, ია პომნიუ; ვი ნე პომნიტე—მალჩიკ ეშჩო ბილი—ვა ვრემია პახოთოვ ტურკი... ტურკი ხარაშო ბეგუტ! (იციანს) ჰჰჰ! რუკუ ზდეს მოყნო ვიმიტ? (სეჯს აბანებუნ).

ფერშალი. ნუ შტო, კაკ გასუდარსტვენიაი დუმე? გავარიატ ტებერ ხარაშო, ვსე დეპუტატი საგლასნი ი ხარაშო საბერაიუტსა.

სტუდენტი. Да, теперь ужъ не замѣт-ся абсентеизмъ?

ფერშალი. (გერ მისვდა) კაკ?

სტუდენტი. Абсентеизмъ!

ფერშალი. აქვსენტია კოტრიკაძე? ევო ნიკაგ-და ნე იზბერუტ ვ გასუდარსტვენოი დუმე. ონ ვისტრიგნი სვიაშჩენიკ... ნეტ, ევო ნი ზაშტო ნე იზბერუტ! (სეჯას პანას ათაყებს და ავთმეფოფესკენ მიბრუნდება).

სტუდენტი. Ну, что? какъ долго емя придется лежать? какъ вы думаете?

ფერშალი. ნე ზნაიუ, ზავისიტ ატ არგანისმა, ზნაეტე, ია სვაეი სტარანი... ლეკარსტვო ი ვსიო უხოლ, ზნაეტე, ა ესლი უმრიოტ; (სეჯებს გაშლას)... მი ვსე უმირაემ! (გადახედავს ღამსწრებს) ვსე!

სტუდენტი. А лѣкарство давать въ таб-леткахъ?

ფერშალი. ნეტ, ტაბურეტკი კაკ მოყნო. ნა-და ევო მიახკო პალაეით.

სტუდენტი. Можетъ быть надо доктора позвать?

ფერშალი. ია დუმაიუ, ნეტ, ზნაეტე: კაკიაი რაზნიცა: დოქტორ—ფაიტონ, ა ია ლოშად! (იცი-ანს) ჰჰჰ! ონ ნა ფაეტონე რაზიეყაეტ, ა ია ნ ლოშადი, ზნაეტე—ვოტ რაზნიცა! (წასვლას ამ-რებს) ნუ ვსეეო ხაროშავო! (კარგბასკენ მიდის და გზაში სეჯს ათმევეს ვეკლა აქ მუოფებს ასე, რეკორტ შემოსვლასს ჩამაწთვას).

სტუდენტი. Вы зайдете еще?

ფერშალი. ნეტ, ზნაეტე, დალენო ბიშ, ბოლ-შე ნე ზაილუ (შაქტეს იცვას).

სტუდენტი. (ფუჯს აძვევს).

ფერშალი. (ფუჯს ათმევეს) ია ეშჩო რაზ ზა-ილუ! (გადას).

ლია წერილი

ბ-ნ ბუტუნას.

ამ დღეებში რედაქციამ მიიღო ქ. ფოთიდან შემდეგი შინაარსის წერილი:

„თქვენს იუმორისტულ ჟურნალ“ ეშმაკის მათ-
რახის“ მე 11 ნომერში მოთავსებულია ჩემს შესა-
ხებ დიფამაცია ლქესად.

ვინაიდან მე მსურს სამართალში მივსტე და-
სასწავლებელი დიფამაციის ავტორი, უმორჩალებსად
კთხრეთ გამომიგზავნათ ფოთის ქადაქის პოლი-
ციის საშუალებით ასეა ამ დიფამაციის ტექსტისა,
მაცნობათ სასწავლა, მამის სასწავლა და გვარი შემა-
დგენელისა და აგრეთვე შემატყობინათ გაწეულ
ხარჯის რაოდენობა; წინააღმდეგ შემთხვევაში მე
აძულებული ვაქნები მასუხის ტეხაში მივსტე თვით
გამომცემელი თქვენი ჟურნალისა.

პატივისცემით მღვდელი გიორგი კვერკელია.

ყოველივე ზემორე ხსენებული მოწერილია
რუსულათ, აღბათ იმიტომ, რომ განცხადებას ოფი-
ციალური ხასიათი არ დაეკარგოს. ქვეშ კი, ხელ-
მოწერილი ქართულად არის.

როგორც გამოირკვა „დიფამაცია“ იგივე ყო-
ფილა პრესის წინააღმდეგ, რაც ომში „სულშემ-
ხუთავი გაზია“, ვინაიდან სიმართლეს დანაწერისას
მისთვის არავითარი მნიშვნელობა არა ჰქონია.

ამიტომ რედაქცია „ეშმაკის მათრახისა“ მოგ-
მართავს თქვენ შემდეგის წინადადებით:

1—წარმოგვიდგინათ ახლო მომავალში დაწ-
ვრილებითი ცნობები აღნიშნული მოძღვრის გ.
კვერკელის საზოგადო მოღვაწეობის შესახებ,

2—განსაკუთრებულის გულდასმით, უკლებ-
ლივ აგვიწეროთ ყოველივე წერილმანი იმ ინციდენ-
ტისა, რომელსაც თქვენ ლექსში ეხებით,

3—დაუყონებლივ გვაცნობოთ იქნება თუ არა
საქირო რედაქციისაგან საგანგებო მამომძიებლის გა-
მოგზავნა აღნიშნული საკითხის გამოსარკვევათ.

იმედი გვაქვს ყოველივე ეს აღსრულებული
იქნება უახლოეს დროში.

„ეშმაკის მათრახის“ რედაქცია.

მღვდელს გიორგი კვერკელიას!

პატიოსანო მამაო!

თქვენი საყურადღებო განცხადების შესახებ
პატივი გვაქვს მოგახსენოთ შემდეგი.

სარედაქციო პრაქტიკაში არ არის მიღებული
ავტორის შეუკითხავათ გადაეცეს მომჩივანს, თუნ-
დაც ფოთელი პოლიციის საშუალებით, სარედაქციო
ხელნაწერები და მათა ავტორები.

ამიტომ უმორჩილესად გთხოვთ ამ საქმეში
მაინც იქონიოთ მოთმინება და უკეთუ ავტორი
„დიფამაცია“ არ იკისრებს თქვენი სამჯავროს წი-
ნაში წარმოდგომას, მსხვერპლად მიიღოთ ჩვენი
რედაქტორ-გამომცემელი.

„ეშმაკის მათრახის“ რედაქცია.



წერილი რედაქციის მიმართ

ბ.ნო. რედაქტორო.

თქვენ პატივცემულ იუმორისტულ ჟურნალ
„ეშმაკის მათრახის“ № 4—ში მოთავსებულია გამო-
ცანა ლანჩხუთლებისათვის ბურცევის ფსევდონიმით.
ზოგიერთმა ჩემმა პირად მტრებმა ხმა გააფრცხლეს
რომ ეს ჩემზეა დაწერილი. ამის გამო გთხოვთ უმო-
რჩილესათ მომცეთ საშუალება მივმართო ავტორს
გამოაცხადოს რომ გამოცანა მე არ შემეხება ანდა
ჩემზე დაუწერია. იმ შემთხვევაში ვიწვევ სამედი-
ტორო სასამართლოში და მოვითხოვ დამტკიცებას
იმ საშინელ ბრალდებისას რომელიც შიგ არის ჩა-
მოთვლილი წინააღმდეგ შემთხვევაში ვიტოვებ უფ-
ლებას მას მე უწოდო საზიზღარი ცოლის მწამებ-
ლი პატივის ცემით არონ ტულუში.

გოლოვინის პროსპექტისა და სამხედრო ქუჩის კუთხეში

გაიხსნა ახალი აფთიაქი ვაკლამ აზველედისა.

შუშუნა

„ჩვენი გემო“

პ ვ ა ს ი

„ჩვენი გემო“-ს ქარხანა გადავიდა ჩერქეზოვის ქუჩაზე № 38.

კვასი მზადდება პირველ ხარისხიან მასალისაგან და ნაღული წყლით. სისუფთავე ქარხანაში სუფთ-
ხაფით დაცულია. ამზადებს დიდი ხნის დაკვირვებული და პრაქტიკის მქონე მოხელე. გემო და
სუნი შეტათ სსსამოგონო აქვს.

ვისაც სურს დალიოს ნამდვილი პურის კვასი. მოითხოვოს ყოველგან „ჩვენი გემო“ და
არ აურიონ ის სხვა ფირმებში. კვასი „ჩვენი გემო“ ქიმიურ ლაბორატორიისაგან გასინ-
ჯული და მოწონებულია.

გთხოვთ პირადად დარწმუნდეთ.

„თბილისის“ ტელეფონი

1 მაისიდან ქალაქ თფილისში გაიხსნა ყურნალ-გაზეთების კანტორა

„განათლება“

ჯერ-ჯერობით აგენტებს გაეგზავნება შემდეგი გაზეთები: „თანამედროვე აზრი“, „ეშმა-
კის მათრახი“, „თემი“, „თეატრი და ცხოვრება“, ქუთათური „ახალი კვალი“, „კავკასკოე
სლოვო“, „თბილისის ლისტოკი“, „ორიზონი“, „მშაკი“ და „ხათაბალა“.

აგენტები ვალდებულია მთელი თვით დაკვეთილი გაზეთების ფასი წინდა-წინ გადაიხა-
დონ. წინააღმდეგ შეითხვევაში გაზეთები არ გაეგზავნებათ.

ფული და წერილები უნდა გამოიგზავნოს შემდეგი ადრესით: Тифлисъ, почт. ящ. № 96,
Сильвестру Р. Таварткиладзе.

კანტორის ადრესი: ოლგინსკაია, № 6.

იყიდება გასული წლების ყურნალები:

1) „ეშმაკის მათრახი“ 1908 წ.
34 ნომერი 2 მ. 50 კ.

2) „ეშმ. მათრახი“ - 1909 წლ.
34 ნომერი 2 მ. 50 კ.

ორივე წიგნი ერთად მშვენიერი
ყლით ელირება—6 მან.

3) „მათრახი“ 1910 წლის 33 ნო-
მერი—2 მ. 50 კ.

4) „ალმანახები“ 1909 წლის 10
ნომერი—50 კ.

პროვინციაში მსურველთ გაეგზავნე-
ბა ჩვენის ხარჯით ვინც წინ და წინ
გამოგზავნის ფულს ან ფასდადებით
გაიწერს.

ადრესი: Тифлисъ, Типографія
Шрома, Теофилу Болквადзе.

ქალაქ თფილისში

გამოდის ყოველ-კვირეული იუმორისტული გამოცემა

ეჭმაკის მათრასი

ჟურნალის სამხატვრო და სალიტერატურო მხარეს განაგებენ **ეჭმაკი და თაგუნა**,
ხოლო გამოცემის საქმეს ა. გ. ბუკია.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ 1 თვით 50 კ.

„ეჭმაკის მათრასში“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვესები და სხვა.

♦ ჟურნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

Тифлисъ *)

С. Р. Таварткиладзе.
Олгинская 6,
Почтов. ящ. № 96.

(ეჭმაკის მათრასისათვის)



*) ეს ადგილი კონფერტზე მარკისათვის არის დანიშნული და გულმავიწყებს მოვავანებთ, რომ
♦ უმარკო წერილებს რედაქცია არ დაისწის ♦